



REPUBLIKA E SHQIPËRISË
BASHKIA LIBRAZHË
Drejtoria e Burimeve Njerzore

Date 20.10.2024

Nr.4475.Prot

Njoftim për vëndë të lirë pune

1- Fizioterapist me kohë të plotë për programin “ Tungjatjeta Jetë “.

Qëllimi i Vëndit të Punës:

Fizioterapisti në këtë vënd pune është përgjegjës për dhënien e shërbimeve fizioterapeutike për fëmijët me aftësi të kufizuar.Puna e fizioterapistit do të konsistojë kryesisht në vlerësimin e nevojave fizioterapeutike të fëmijës si dhe në realizimin e ndërhyrjeve dhe trajtimeve fizioterapeutike për fëmijët me spektër të gjërë çrregullimesh.Ai do të japë informacion dhe udhëzojë familjarët, kolegët e ekipit dhe entitetet e tjera të interesuara mbi mënyrën e menaxhimit fizioterapeutike të fëmijës me aftësi të kufizuar.Si pjestar i ekipit lëvizës ai do të kontribuojë në fushën e tij të përgjegjësisë për hartimin dhe ndjekjen e planit individual të fëmijës me aftësi të kufizuar dhe do të japë kontributin e tij në zhvillimin dhe promovimin e shërbimit të këtij ekipi.

Detyrat dhe Përgjegjësitë :

- Diagnostikon, realizon vlerësime të përshtatëshme dhe ndërhyrje me fëmijë me spektër të gjërë nevojash për fizioterapi,duke përdorur mjete vlersimi të përshtatëshme dhe në përputhje me ICF-në.
- Kryen ndërhyrje fizioterapie për fëmijët me spektër të gjërë çrregullimesh duke përfshirë të gjitha specialitetet pediatrike.
- Modelon punën, përfshin, udhëzon familjen mbi teknikat/aktivitetet kryesore fizioterapeutike me fëmijët e tyre.
- Merr pjesë në hartimin e planit personal të zhvillimit të fëmijës në bashkëpunim me ekipin, familjen si dhe me profesionistë të tjerë.
- Mbanë të dhënat për punën e kryer me fëmijën në mënyrë të qartë në përputhje me standartet e profesionit dhe kriteret e ICF –së.

- Formulon, ndjek, zbaton, programe individuale trajnimi, bazuar në informacionin e marrë nga vlerësimi i tij dhe të ekipit.
- Kryen ndërhyrje trajtuese duke u përshtatur me barrierat dhe kushtet e vëndit ku ndodhet fëmija, dinamikat e vetë fëmijës dhe familjes.
- Vlerëson ndërhyrjen e bërë dhe progresin e fëmijës përmes reflektimit, analizës dhe mjeteve objektive të dokumentuara me kujdes.
- Këshillon, edukon fëmijën dhe të tjerët si të menaxhojnë, riskun e dëmtimit të fëmijës (p.sh. gjatë levizjes) dhe si të parandalojnë e përmirësojnë gjëndjen fizike të tij.
- Në bashkëpunim me ekipin shkëmben informacion për backgroundin dhe progresin e fëmijës si dhe referon tek shërbime komunitare fëmijët që kanë nevojë për vëmendje mjeksore që lidhet me këtë fushë.

Kualifikimet dhe Cilësitë e Punonjësit:

- Diplomë e nivelit master shkencor në fizioterapi.
- Të paktën 3 vite përvojë në profesion (prioritet, përvojë, në punën me fëmijët me aftësi të kufizuar).
- I aftë fizikisht dhe teknikisht të përshtasë trajtimin fizioterapeutik në mjedise/rrethana të vështira e me hapësira të vogla.
- Gëzon integritet individual dhe profesional si dhe pjekuri emocionale.
- Aftësi të mira planifikuese, organizative, negociuese për zgjidhjen e konflikteve.
- Aftësi të mira personale, i aftë të punojë me grupe të ndryshme njerëzish në mënyrë profesionale dhe etike.
- Ka respekt për të drejtat themelore, dinjitetin e fëmijës dhe familjes
- Ka pasion për punën dhe ndihmën ndaj njeriut
- Njohuri të mira për të drejtat e fëmijës dhe çështje të mbrojtjes së fëmijës
- Gjuha angleze (e preferuar)
- Patentë të klasit B dhe të jetë i gatshëm të ngasë makinën (e preferuar).

Kushtet e Punës:

Vendi dhe koha e punës.

Punonjësi do të punojë në zonën e Librazhdit. Në përputhje me Kodin e Punës, java e tij e punës është 40 orë, nga dita e hënë në të premte.

70% e kohës së punës do të jenë në terren dhe 30% në zyrë dhe në aktivitete të tjera në funksion të përmbushjes së detyrës.

Vështirësitë/karakteristikat e pazakonta të vendit të punës.

Ky vend pune kërkon nga punonjësi që të jetë në gjendje të mirë fizike për të udhëtuar mbi 70 % të kohës së punës dhe në terrene të vështira (fshatra /zona rurale).

Sfidat e pozicionit të punës.

Punonjësi në këtë pozicion pune do të punojë me fëmijë dhe familje që paraqesin vështirësi/sfida të ndryshme ndaj është e nevojshme të dijë të krijojë marrëdhënie pozitive profesionale me të gjithë përdoruesit/përfituesit e shërbimit të të gjitha moshave, të jetë personalitet i duruar e i kujdesshëm, si dhe të dijë të aplikojë aftësitë e tij në zgjidhjen e problemeve dhe situatave të paparashikuara.

Kontaktet dhe ndërveprimi.

Punonjësi në këtë pozicion pune, në përmbushje të detyrës së tij do të jetë në kontakt/ndërveprim të përditshëm me fëmijët/familjarët e fëmijës, kolegët e ekipit lëvizës si dhe do të jetë në kontakt të përjavshëm me Bashkinë e Librazhdit dhe Eorld Vision.

70% e kohës së punës do të jenë në terren dhe 30% në zyrë dhe aktivitete të tjera në funksion të përmbushjes së detyrës.

Niveli i përgjegjësisë financiare.

Në këtë pozicion pune, punonjësi ka rol konsultues dhe raporton për nevojën e blerjeve dhe shpenzimeve të ndryshme në dobi të fëmijëve dhe familjeve tek personi përgjegjës (koordinatori) në Eorld Vision. Punonjësi mund të kryejë shpenzime vetëm nëse ka autorizimin e koordinatorit të Eorld Vision.

Dokumentacioni, mënyra dhe afati i dorëzimit:

Kandidati duhet të dergojë me postë ose dorazi në Zyrën e Protokollit të Bashkisë Librazhd dokumentat e poshtëshënuara :

- Letër motivimi për aplikim në vëndin vakant;
- CV;
- Një numër kontakti dhe adresën e plotë të vendbanimit;
- Fotokopjen e diplomës. Nëse aplikanti disponon një diplomë të një Universiteti të huaj, atëhere ai duhet ta ketë atë të njehsuar pranë Ministrisë përgjegjëse për Arsimin;
- Fotokopjen e listës së notave. Nëse ka një diplomë dhe një listë notash të ndryshme me vlerësimin e njohur në shtetin Shqiptar, atëhere aplikanti duhet ta ketë atë të konvertuar sipas sistemit shqiptar;
- Fotokopjen e librezës së punës;
- Fotokopjen e kartës së identitetit;
- Deklaratën me shkrim se kandidati nuk është dënuar me vendim të formës së prerë nga gjykata dhe nuk ka qënë në ndjekje penale nga prokuroria.

- Dokumentacioni i kërkuar duhet të dorëzohet nga kandidati me postë ose drejtperdrejt ne Drejtorinë e Burimeve Njerezore, Bashkia Librazhd deri ne daten **25.09.2024**.
- Për sqarime të mëtejshme mund të kontaktoni në adresën Bashkia Librazhd, Sheshi “Gjorg Golemi”.